

বুবাগ্ৰা বীৰবিক্ৰম কিশোৰ মাণিক্য বাহাদুৰনি
উমৰ ১১৬ বিসিনি আচায়মা সাল পালায়মুঙ পানদা
ত্ৰিপুৰান' হামক্ৰায়নি লামাঅ তুবুথানি বুবাগ্ৰা বীৰবিক্ৰম
কিশোৰ মাণিক্য য়াসি কায়জাকনায় সামুঙ তাঙথা : মন্ত্ৰি অকৰা

ত্ৰিপুৰান' হামক্ৰায়নি লামাঅ তুবুথানি বুবাগ্ৰা বীৰবিক্ৰম কিশোৰ মাণিক্য য়াসি কায়জাকনায় সামুঙ তাঙথা। বিনি মাঙতাঙনি খীলায় লাঙমানি সামুঙ তেই হামক্ৰায় গীনাঙ ডানসুকমুঙৰকন' বীসকাঙনি সাল' কীতাল আচায়সঙনি থানি তীলাঙ থাঙগীই মানথেন' বুবাগ্ৰা বীৰবিক্ৰম কিশোৰ মাণিক্য বাহাদুৰনি আচায়মা সাল পালায়মুঙনি সয় মাৰি নুকজাকনায়। হাসতেনি অবহায় মুঙসা জাগা কীৰীই জে জাগা বীৰবিক্ৰমনি মুকুমু মাৰি বায় কুবুলজাক কীৰীই। ব' আঙথা কীতাল ত্ৰিপুৰা সীনামলাঙনায়। থাঙনায় ১৯ আগষ্ট' আগৰতলা রবীন্দ্র শতবাৰ্ষিকী ভবননি ২নং হল' বুবাগ্ৰা বীৰবিক্ৰম কিশোৰ মাণিক্য বাহাদুৰনি উমৰ ১১৬ বিসিনি আচায়মা সাল পালায়মুঙনি চেঙগীই রাই নগৰায় অকৰা আঙগীই ককমুঙ নাৰীকফুৰু মন্ত্ৰি অকৰা প্ৰফেসৰ (ডা.) মানিক সাহা অ কক সাখা। পানদাঅ মন্ত্ৰি অকৰা তেই মানজাক ফায়নায় নগৰায়ৰক বুবাগ্ৰা বীৰবিক্ৰম কিশোৰ মাণিক্য বাহাদুৰনি মাঙপিলিঅ খুম বগীই বৰমনি খুলুমমুঙ য়াফাৰখা। পানদাঅ রাঙনি আমচায়নি হামক্ৰায়' তেই ত্ৰিপুৰানি বৰম মানজাক হুকুমুন' খাতি নাৰীকথানি য়াসি কায়জাকনায় সামুঙ তাঙমানি বাগীই এমএলএ রামপদ জমাতিয়ান' মহাৰাজা বীৰবিক্ৰম কিশোৰ মাণিক্য বাহাদুৰ মুকুমু সকাত ২০২৪ য়াফাৰজাকখা। মন্ত্ৰি অকৰা প্ৰফেসৰ (ডা.) মানিক সাহা সকাতনি মাৰিঅ এমএলএ রামপদ জমাতিয়ানি য়াগ' খুম বুথুপ, দুলাই, সাৰ্টিফিকেট, মুকুমু মাৰি তেই রাঙ ১ লক্ষনি চেক য়াফাৰীই রাখা।

পানদাঅ মন্ত্ৰি অকৰা সাখা, বুবাগ্ৰা বীৰবিক্ৰম কিশোৰ মাণিক্য বাহাদুৰ ত্ৰিপুৰান' কায়সা কীতাল খীলায় তিসানানি নায়মানি। আবন' রাগীইন' বুবাগ্ৰা কীবাঙমা জৱান' হায়ুঙৰেম' বেৰায়খা। হায়ুঙৰেমনি কীবাঙ রাষ্ট্ৰ বখৰক তেই মুঙগীনাঙ লুকুৰক বায় মালায়খা ব'। বিনি সিমুঙৰকন' সামুঙগ' ফীনাঙমানি বিসিংতীই ত্ৰিপুৰা হাসতেঅ বিনি সিমুঙন' সামুঙগ' বনানি চায়তকলাঙখা। তাবুক কেন্দ্ৰ তেই হাসতে হাফাঙ জনজাতি বসঙনি হামক্ৰায়নি বাগীই য়াক থাগয়া জুদা জুদা ডানসুকতাঙ রমীই সামুঙ তাঙগীই তঙগ'। হাসতেনি জনজাতি বসঙনি সাঁরাঙনায়-সাঁরাঙনায়জীকৰকনি বিসিং রাঙমুঙনি বিয়াল কীৰীই। বৰগ বৰগনি রাঙমুঙন' সামুঙগ' ফীনাঙগীই বীসকাঙগ' আঙকগীই থাঙনায় হীনায়ে খা খীলায়ীয়া সাখা মন্ত্ৰি অকৰা।

পানদাঅ ককথুম তেই হুকুমু নায়খুঙনি সেফ্ৰেটাৰি ড. পি কে চক্ৰবৰ্তী লামসগীই ককমুঙ নাৰীকখা। ব' সাখা, বুবাগ্ৰা বীৰবিক্ৰম কিশোৰ মাণিক্য বাহাদুৰন' পুইলা বুবাগ্ৰা নুখুঙনি আঙগীইব' বুবাগ্ৰা নুখুঙনি আৰিন' লায়ীয়া কীতালকুক রাঙ বায় রাঙ সাঁরাঙনায় খৰকসা। বুবাগ্ৰা বীৰবিক্ৰম জৱানি সিমি চেঙগীই সাকহাম, রাঙ, হুকুমু তেই আৰ্কিওলজিক্যালৰকনি আমচায়' মাৰি সীনাম কীলাঙখা।

পানদাঅ নগৰায় মতম আঙগীই মানজাগীই এমপি কৃতি দেবী দেববৰ্মণ সাখা, ত্ৰিপুৰান' বীসকাঙ আঙক তীলাঙনা বাগীই কীতাল আচায়সঙ বীসকাঙ আঙক ফায়না নাঙনায়। বুবাগ্ৰা বীৰবিক্ৰম কিশোৰ মাণিক্য বাহাদুৰনি নাহাৰমুঙব' অবন' তঙমানি। ত্ৰিপুৰা হাসতেনি হামক্ৰায়নি বাগীই নাঙমানি ফান আঙথা হাসতেনি বীসকাঙনি আচায়সঙ। পানদাঅ মানজাক ফায়নায়ৰকনি বিসিং ককমুঙ নাৰীকখা মুঙগীনাঙ সাঁয় কীৰীঙ তেই রুতুক নায়ফিল কীৰীঙ ড. সৌৰিশ দেববৰ্মা। ব' বুবাগ্ৰা বীৰবিক্ৰমনি মাঙতাঙনি জুদা জুদা বাখাকন' রাগীই সুকুৰুবয় ককমুঙ নাৰীকখা। আবন' কাৰীইব' ককমুঙ নাৰীকখা হাসতেৰেমনি কালচাৰাল অ্যাডভাইজাৰি কমিটিনি ভাইস চেয়াৰম্যান সুব্ৰত চক্ৰবৰ্তী। পানদাঅ মানজাক ফায়খা ককথুম তেই হুকুমু নায়খুঙনি পজা হৰজাক দাগিফাঙ তপন কুমাৰ দাস।